

## QUÆSTIO MEDICA.

*Quodlibetariis disputationibus manè discutienda in Scholis  
Medicorum, die Jovis 17<sup>a</sup> Decembris 1716.*

M. FRANCISCO GOUEL, Academiæ Censore,  
Præside.

*An quæ statim à menstruâ purgatione concipiunt, citius pariunt?*

### I.

**U**TERUS, qui continendo perficiendoque fœtui dicatus est, idcirco perpetuò ferè sanguinis affluxu madescit, quandiu ferendæ proli apta est muliebris ætas; sanguis verò ut accommodatam effingendo atque alendo fœtui materiam præbet, sic muliere in utero non habente sensim illic congeritur, nullo imperfectioris sexûs aut frigidioris temperamenti argumento, sed sapienti Naturæ consilio hominum generi consulentis: Attamen si cœptis illa excidat, vim utero inlevit, quâ humorem morâ accrescentem & quantitate vel qualitate gravem statim effundit plures, si hæserit, tum animi tum corporis morbos pariturum: indè fit ut, nullâ expectatâ lunæ periodo, aliàs sæpius, aliàs infrequentius redeat quæ ferè dicitur menstrua mulierum purgatio, quam sola & singularis uniuscujusque natura promovet, dum sui sit juris; sicut motus omnes qui tempestivè humano in corpore cientur, neutiquam vel soli vel lunæ aliisve sideribus referendi. Solemni autem, qui fit per uterum, humorum omnis generis secessu exhilaratur Natura, & quicquid demum muliebribus in locis meditatur, quò purgatori in utero id elaborat, eò longè alacrius & citius defunctura est.

## I I.

**C**ONCEPTIO actio uteri propria est, partus difficillima. Illa seminis arctius comprehensi insitam, & ab ipsis hauritam parentibus, vim formatricem exsuscitat, quâ mox successurus animus utatur ad disponendas domicilii sui partes, quarum ipse architectus est. Pluris verò in fœtu refert quò primùm condatur in loco. Uterus materno sanguine diffuens semen non rarò extinguit, aut fœtum ex eo imbellem generat, post tristiora longinquæ graviditatis fastidia cum suo tum fœtæ periculo nasciturum, quique originis vitium plures in annos servaturus est, & puerilibus morbis acrius conflictandus. Adveniente ejusdem purgationis tempore, si utero gerere cœperit mulier, haud multò meliùs conceptus fiet, nam semen prævio mensum mucò obstita vasorum uteri orificia facilè dimittunt; sanguis autem cum eruperit, rudem adhuc & teneram genituram subruet; atque uliginoso in loco posita vix bene inchoati operis fundamenta, & quandiu uterus fluit, nutantia, moras Naturæ obijciunt semine obruto languescenti, quæ adeò tardiùs longè plurimorum motuum seriem absolutura est, quò segniùs primos & præcipuos aggressa fuerit.

## I I I.

**S**TATIM à menstruâ purgatione, desecato sanguine, calor & spiritus ubique puriùs emicant. Uterum hujus boni principem tùm si pupugerit veneris stimulus, ille avidiùs prolectum semen arctissimo complexu retinet, & occluso ostio, illicò uni studet adornando conceptui: tunc verò futuro homini Natura sic providet, ut ab ipsis primordiis robur animumque ducat, quibus suo tempore uteri se vinculis liberabit. Eò enim omnia conspirant, & inclusum, ut properet, Artificem incitant, recenter eliminatis sordibus, optima uteri temperies, nitentia ejusdem acetabula, & apprehendendis factis conceptaculis maximè idonea. Utrique semini insidens spiritus genitor, eoque vigens magis, quò nitidiora illapsus in loca, confestim aulaa obducit affuturo mox inquilino, atque ex crassiori commixtorum seminum parte, geminum parat fœtui involucrum. Jam servet intus opus, & trina humanæ molis principia surgunt, quæ



gere, ut sollicita matrum vota tam felici quàm cito partu beaverit, cùm optimè se habente utero prolem susceperint: At nunquam utero melius est quàm statim à menstruâ purgatione.

*Ergo quæ statim à menstruâ purgatione concipiunt, citiùs pariunt.*

Domini Doctores disputaturi.

M. Antonius Geoffroy.

M. Alexander le François.

M. Ludovicus de Vaux.

M. Joannes - Franciscus  
Gombier.

M. Michael Procopè Cou-  
teaux.

M. Petrus Marais.

M. Joannes - Baptista Mon-  
gin, Medicus Regis ordi-  
narius.

M. Joannes - Claudius -  
Adrianus Helvetius, Me-  
dicus Regis ordinarius,  
& à Regiâ Scientiarum  
Academiâ.

M. Franciscus Vernage, an-  
tiquus Facultatis Deca-  
nus.

Proponcbat Parisiis JOSEPHUS DELAGRIVE,  
Sedanaus, Baccalaureus Medicus, A. R. S. H. 1716.  
à sextâ ad meridiem.

---

Typis JACOBI QUILLAU, Universitatis & Facultatis Medicinæ  
Typographi.